



UNIVERSITÄTS-  
BIBLIOTHEK  
PADERBORN

## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Complectens Constitutiones ab Alexandro VIII. Innocentio XII. & Clemente  
XI. editas

**Luxemburgi, 1739**

CLXXVI. De muneribus Monachorum Silvestrinorum ad obtinendam  
Abbatiam Titularem.

---

[urn:nbn:de:hbz:466:1-74715](https://nbn-resolving.org/urn:nbn:de:hbz:466:1-74715)

Clausula.

per in præmissis auctoritate Congregationis eorumdem Cardinalium.

§. 3. Decernentes easdem præsentis literas firmas, validas, & efficaces existere, & fore, suosque plenarios, & integros effectus fortiri, & obtinere, ac illis ad quos spectat, & pro tempore spectabit, in omnibus, & per omnia plenissime suffragari. Sicque in præmissis per quoscumque Judices Ordinarios, & Delegatos, etiam Caesarum Palatii Apostolici Auditores judicari, & definiti debere; ac irritum, & inane si fecus super his a quoquam quavis auctoritate scienter, vel ignoranter contigerit attentari.

§. 4. Non obstantibus præmissis, ac Constitutionibus, & Ordinationibus Apostolicis, ac quatenus opus sit Conventuum, Vicariatuum, & Ordinis hujusmodi, etiam juramento, confirmatione Apostolica, vel quavis firmitate alia roboratis, statutis, & consuetudinibus; privilegiis quoque, indultis, & Literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis, illorum tenores præsentibus pro plene, & sufficienter expressis, ac ad verbum insertis habentes, illis alias in suo robore permanfuris, ad præmissorum effectum hac vice dumtaxat specialiter, & expresse derogamus, cæterisque contrariis quibuscumque.

§. 5. Volumus autem, ut earumdem præsentium literarum transumptis, seu exemplis, etiam impressis, manu alicujus Notarii publici subscriptis, & sigillo Personæ in Ecclesiastica dignitate constitutæ munitis, eadem prorsus fides ubique locorum habeatur, quæ ipsi præsentibus haberetur, si forent exhibita, vel ostensa.

Datum Romæ apud S. Mariam Majorem sub Anulo Piscatoris die XX. Aprilis MDCCXX. Pontificatus Nostri anno Vigesimo.

CLXXXVI.

Confirmatur Decretum Dietæ Gen. Congregationis Monachorum Silvestrinorum de exercitio numerum a Constitutionibus præscripto ad obtinendam Abbatiam Titularem.

*Constitutiones horum Monachorum confirmatae fuere ab Alex. VIII. Const. ed. 1690. Oct. 15. P. 1.*

Dat. 6. Maji  
1720. An. 20.

CLEMENS PAPA XI.

*Ad perpetuam rei memoriam.*

EXponi Nobis nuper fecit dilectus filius Joannes Matthæus Sestili Abbas, & Visitator Generalis Congregationis Monachorum Silvestrinorum nuncupatorum Ordinis S. Benedicti, quod in Constitutionibus dictæ Congregationis a fel. rec. Alexandro PP. VIII. Prædecessore nostro confirmatis *Dist. 3. Cap. 4. §. 6.* inter alia disponitur, quod, si quis octo annorum curriculo aut Bibliothecarii Monasterii S. Benedicti Terræ de Fabriano, sive Socii Procuratoris Generalis ejusdem Congregationis munus obierit, capax Abbatia Titularis efficiatur absque eo, quod expressum sit, an opus ei existat, quod in unoquoque ex dictis officiis duo quadriennia complevisse, vel supradicti temporis dimidiam partem in uno, aliamque dimidiam in altera munere consumpsisse sufficiat. Cumque anno 1694. infrascriptæ Congregationi Cardinalium pro hujusmodi declaratione supplicatum fuisset, istamque eidem Congregationi Cardinalium ad tunc proximè Dietam Generalem, quæ desuper pro suo arbitrio, & conscientia explanaret, quod sibi magis expediens videretur remittere placuisset, ipsamet Dieta eodem anno declaravit octennium in dicta Constitutione ad præfixum intelligendum esse extensive ad diversa officia, itaut si aliquis Monachus per biennium socius dicti Procuratoris Generalis, altero biennio Bibliothecarius, altero secretarius,

alteroque itidem biennio Novitiorum Magister extitisset, hunc intelligi annos octo a Constitutione præfinitos explevisse, habilemque effectum, ad hoc ut ad Abbatiam Titularem promoveatur, ac insuper eadem Dieta hanc rursus methodum proportionabiliter in aliis Officiis honoris nuncupat, ac voce carentibus successive servandam esse decrevit, sic ut sensus semper successivus, non autem cumulativus esse deberet, atque pro majori robore, ac firmitate præcitatæ declarationis, & Decreti supplicandum duxerat prædictæ Congregationi Cardinalium pro illorum confirmatione quæ subinde dignata fuerat rescribere esse locum confirmationi per literas Apostolicas. Porro post ejusmodi Rescriptum evenit, quod dictus Joannes Matthæus nunc Abbas, & Visitator Generalis ejusdem Congregationis Monachorum, qui Socii Procuratoris Generalis per quatuor annos & totidem Bibliothecarii supradicti monasterii officio functus fuerat, in Dieta Generali insteterit pro sui promotione in Abbatem titularem, existimans, quod novas preces memoratæ Congregationi Cardinalium, quæ jam declarationem ipsi Dietæ commiserat, & ista octo annorum exercitium in pluribus ex dictis officiis jam sufficere declaraverat, porrigere necessarium minime foret. Verum, quia cum eademmet Dieta extendens declarationem ad alia honoris munia (pro cujus confirmatione supplicari debuerat, prout prædictæ Congregationi Cardinalium supplicatum fuerat, & ipsa pro confirmatione rescripserat) facultates sibi tributas excessisset, tunc existens Abbas Generalis supradictæ Congregationis Silvestrinorum supplicem libellum tam ejusdem Marthæi, quam dilecti pariter filii Joannis Baptistæ Cortosonno Monacho expresse professore hujus Congregationis nomine eidem Congregationi Cardinalium porrexerat, quatenus omni semoto dubio, utrumque ad gradum Abbatia titularis habitare dignaretur, prout die 18. Aprilis 1698. habilitavit hac tamen conditione, ut nisi infra tres menses literæ Apostolicæ super confirmatione Dietæ Generalis hujusmodi expedirentur, ejusmodi gratia eis minime suffragaretur, ignarus itaque Joannes Matthæus supplicationis ejus nomine distributæ, sicuti, & rescripti desuper editi, haud tamen inscius minime teneri ad aliquam dictarum literarum expeditionem, sub firma credulitate, quæ respiciebat declarationem Dietæ Generalis dicto anno 1694. circa munia honoris pro quibus cursus duodecim annorum requiritur, & super quibus declarandis nullam habuerat facultatem abinde citra pacifica, & bona fide intra spatium viginti duorum annorum gradum Abbatia titularis non minus, quam Gubernii ex eis quatuor, ac Visitatoris Generalis munere octo annorum, quod etiamnum exercet, gavisus est.

§. 1. Cum autem sicut eadem expositio subjungebat dictus Joannes Matthæus timens posse in proxime futuro Capitulo Generali supradictæ Congregationis Silvestrinorum opponi nullitatem honorum hæcenus habitorum, quemadmodum, & aliorum, si quibus a sua Congregatione decorari valeret, & eo tantummodo motivo, quia literas prædictas, quæ sibi minime necessarias esse judicaverat, haud expedierit opposita nullitate non obstante, se habitatum, & pacem per nos declarari summopere desideret, maxime quia in aliis quinque capitulis, duabusque Dietis, quibus tanquam Abbas Titularis de Gubernio, & tanquam Visitator generalis interfuerit, nec eidem unquam talis oppositio facta sit, quod de per se solum est siquidem sufficiens ad quamcumque nullitatem sanandam, quatenus adesset, sed semper in eodem gradu suffragium tulerit, ejusque votum absque ulla contradictione admittum fuerit. Nobis propterea idem Joan-

Preces Procuratoris Generalis.

nes Mat-

Decretum h. m. 1694. editum, ejus causæ, diversa Congregationis Episc. & Reg. rescripta, ac casus quidam in quo dubitatur an locum habeat Decretum, referuntur.

nes Matthæus humiliter supplicari fecit, ut sibi in præmissis opportune providere, & ut infra indulgere de benignitate Apostolica dignaremur.

§. 2. Nos igitur ipsum Joannem Matthæum specialibus favoribus, & gratis prosequi volentes, & a quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis a jure, vel ab homine quavis occasione, vel causa latis, si quibus quomodolibet innodatus existit ad effectum præsentium dumtaxat consequendum harum serie absolventes & absolutum fore censentes hujusmodi supplicationibus inclinati, de venerabilium Fratrum nostrorum S. R. E. Cardinalium negotiis, & consultationibus Episcoporum, & Regularium præpositorum qui dilectorum filiorum focii, & Vice-Procuratoris Generalis ipsius Congregationis Silvestrinorum relationem, & a prædicto Joanne Matthæo narrata attenderunt consilio, primum Decretum a Dieta Generali editum, & gratiam Abbatie titularis a memorato Joanne Matthæo reportatam, ut præfertur, auctoritate Apostolica tenore præsentium confirmamus, & respectivo sanamus, illisque Apostolicæ firmitatis robur adjicimus, ac omnes, & singulos juris, & facti defectus, si qui desuper quomodolibet inter venerint supplemus, salva tamen semper in præmissis auctoritate memoratæ Congregationis Cardinalium.

Confirmatio recentis Decreti.

Clausula.

§. 3. Decernentes easdem præsentibus literas firmas, validas, & efficaces existere, & fore, suosque plenarios, & integros effectus sortiri, & obtinere, & dicto Joanni Matthæo in omnibus, & per omnia plenissime suffragari. Sicque in præmissis per quoscumque Judices Ordinarios, & Delegates, etiam Causarum Palatii Apostolici Auditores judicari, & definiri debere; ac irritum, & inane si secus super his a quoquam quavis auctoritate scienter, vel ignoranter contigerit attentari.

§. 4. Non obstantibus præmissis, ac Constitutionibus, & Ordinationibus Apostolicis, necnon quatenus opus sit Congregationis Silvestrinorum, etiam Juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, Indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis illorum tenores, præsentibus pro plene, & sufficienter expressis, ac ad verbum insertis habentes, illis alias in suo robore permanens, ad præmissorum effectum hac vice dumtaxat specialiter, & expresse derogamus, cæterisque contrariis quibuscumque.

Datum Romæ apud S. Mariam Majorem sub Annulo Piscatoris die VI. Maji MDCCXX. Pontificatus Nostri Anno Vigesimo.

CLXXVII.

Confirmantur quedam Decreta Diffinitorii Gen. Ordinis Min. Conventualium.

Alex. VIII. Const. ed. 1690., April. 5. P. 1. confirmata suere quadam Decreta Capituli Gen. Et hujus Pontificis Const. ed. 1720. Jul. 12. P. 20. est prohibitio extrahendi libros ex Bibliotheca Urbinaten.

Dat. 7. Maji 1720. An. 20.

CLEMENS PAPA XI.

Ad futuram rei memoriam.

Exordium.

EX injuncti Nobis divinitus Pastoralis officii debito illa, quæ pro felici eorum, qui Altissimi obsequiis sub suavi vitæ Religiosæ jugo mancipati sunt, regimine, & gubernio provide prudenterque facta esse noscuntur, ut firma semper, atque inviolata persistant, libenter cum id a Nobis petitur Apostolici muniminis nostri præsidio roboramus.

§. 1. Exponi siquidem Nobis nuper fecit dile-

ctus filius Carolus Jacobus Romilli Minister Generalis Ordinis Fratrum Minorum S. Francisci Conventualium nuncupatorum, quod in Diffinitorio Generali dicti Ordinis in alma Urbe nostra die 27. Mensis Maji anni proxime præteriti congregato ad Divini cultus incrementum, & Religiosorum Ordinis hujusmodi, tam ad regulæ observantia, quam in literis progressionem edita, & facta fuerunt nonnulla Decreta tenoris, qui sequitur, videlicet.

Decreta Venerabilis Diffinitorii Generalis Fratrum Minorum Conventualium S. Francisci, Romæ Die 27. Maji Anno 1719. congregati.

I.

Sacra Minorum Conventualium Religio Beatissimæ Virginis Conceptionem singularibus devotionis officiis a suis primordiis quovis tempore profecuta est. Quamobrem Majorum suorum semitis inhærendo, Decrevit Ven. Diffinitorium eandem Beatam Virginem sub titulo Immaculatæ Conceptionis in Patronam Principalem sibi assumere: firmissimam ex eo spem concipiens, futurum ut in Ordine nostro erga eandem Deiparam, ejusdemque Immaculatæ Conceptionis Mysterium, pietas, & Religio in dies fervescat, & augeatur.

II.

Cum satis compertum sit non levia sequi incommoda, & Jura Ministrorum Provincialium confundi, & perturbari, si quandoque in Transfiliationibus contingat aliquem prius acceptari in filium Conventus, quam Provinciæ; hac de causa sub pœna nullitatis præcipitur, ut in hujusmodi transfiliationibus (etiamsi utraque aggregatio spectaret ad Diffinitorium Provinciale) hic ordo omnino servetur; Præmissis literis de jure præmittendis, prius Provinciæ, deinde Conventui coaptetur.

III.

Pietati, & maxime Religioso consentaneum est, eos, qui vel Religioni toti, vel Provinciis præfuerunt, quique non pro se ipsis dumtaxat, sed pro aliis quoque teneantur Deo rationem reddere, uberioribus suffragiis cum ex hac vita decesserint adjuvari. Statuitur ergo, ut pro Exgeneralibus, & Exprovincialibus in Religione obeuntibus in singulis Conventibus totius Ordinis una Missa cantetur, singuli Sacerdotes semel Missæ sacrificium offerant, Clerici semel Officium Defunctorum, Laici vero semel Coronam Beatæ Mariæ Virginis devote recitent. Pro Exprovincialibus, salvis manentibus suffragiis per Constitutiones Urbanas, statutis in singulis Conventibus Provinciæ, duæ aliæ Missæ cantentur. Pro Exprocuratoribus Generalibus, aliisque Assistentibus Ordinis Missa una cantetur in qualibet Provincia in Conventu designando a Ministro Provinciali juxta Ordinem Custodiarum, & Conventuum.

IV.

Stricte præcipiunt nostræ Constitutiones Urbanæ, ut nemo ad Ordinem recipiatur, nisi prævia diligentissima perquisitione de uniuscujusque natalibus, de corporis habitudine, de moribus, & vita antea. Quæ perquisitiones cum non semel probatæ sint deceptionibus obnoxie, si illorum Provincialium, ex quorum sinibus recipiendi ortum trahunt, informatio, & votum negligatur; ideo mandat Ministris Provincialibus quarumcumque Provinciarum, ne imposterum audeant externos ad habitum Religionismittere, nisi præhabitis informatione, & consensu Provincialium, ad quos spectat, sub pœnis statutis, & expressis in Decreto Alexandri VIII. quod incipit Provinciales quarumcumque Provinciarum, & aliis pœnis Ministri Generalis arbitrio reservatis.

Decretorum anno 1719. editorum scopus.

Patrona præcipua B. M. V. Immaculatæ Conceptionis.

Ratio faciendæ Transfiliationis.

Sacrificia, & preces pro mortuis Præfatis.

Qui ad Religionem admittendi.

V.